

QVÆSTIO MEDICA.  
CARDINALITIIS DISPVATIONIBVS MANE  
DISCVTIENDA IN SCHOLIS MEDICORVM DIE IOVIS VII. MENSIS MARTII  
MAGISTRO IOANNE COVSIN, DOCTORE ET MODERATORE MEDICO REGIO.

*Senes ieiunium facillimè ferunt.*

632



MANVM Corpus principijs duobus, quatuor elementis iisdemq; contrarijs constans, perennem suæ substantiæ triplicis effluxum cum patiatur; citius inuitabili mortis necessitati subijceretur, nisi similis substantia pro ea quæ defluxit restitueretur. Hinc insita animalibus alimenti necessitas; quod par ei quod effluxit, vel eò vberius, vel parcius in locum exhausti reponitur. Ei numeri incumbit altera facultas, nunquam ab opere (quod est vacuati repletio) feriatu. Hinc nutritio & respiratio *μείζων περιποίησις* definiunt. Huius dissipationis causa efficiens calor natiuus, dum pabulum perpetuo sibi sustentendum requirit; ne voracitate sua proprium subiectum humidum oleosum (cuius gaudet iucundèque fruitur commercio) conferim absumat; quod tamen paulatim carpens, quem sui & animantis interitum non intendit, cum necessariò accelerat; vna salus ambobus, vnum commune periculum. Eiusdem restorationis causa idem calor, omnium facultatum primum ac præcipuum instrumentum, qui primo dissimili, subsequenter tandem varijs alterationibus reddito simili alimento, partes omnes fouet, alit & conseruat: vna & eadem ortus nostri & interitus causa.



Idissipationi vt respondeat *ἀναλήψις*, oportet alimentum esse coquenti dissipantique calori analogum: qui vt in omnibus non tantum eiusdem generis, ac speciei infimæ idem reperitur, verum etiam in eodem etiam indiuiduo alius atque alius existit: ita alimenti ratio non in omnibus eadem, agentis cum patiente necessaria proportio. Huius varietatis geminæ causæ, internæ, externæ: internæ sunt temperamentum, habitus corporis, sexus, ætas, consuetudo: externæ, anni tempus, calis constitutio, vitæ victusque conditio. Ex anni itaque temporibus, hyeme propter caloris incrementum, cibis plurimus sit, frequens, calidus siccus, potus quàm æstate parcior meraciorque: æstate contra paucus, frigidus, humidus, frequenter tamen; potus quàm in hyeme contraria sit ratio: vere omnium temporum ad ieiunium aptissimo, cibis potusque quantitate & qualitate moderati; autumno copiosior sit quàm æstate cibis, per longiora tamen interualla concedendus.



NNI temporum naturam proximè æmulantur regiones: calidarum regionum incolæ minùs cibi appetunt, potui liberaliùs indulgentes: frigidarum plus cibi, minùs potus, sed meracioris postulant; Arabes in eadem *ἀλγερῶν* facillè ferunt, cuius etiam vnus diei impatientissimi sunt Germani: temperatarum omnia temperata requirunt: inæquali victu gaudent inæqualium, modò tenuiori, modò largiori, idque *ἀναδ' ὕψος*. Celi status in præscribenda diætâ, levis erit ratio & momentanea: maior vitæ victusque generis, viatores, fossores, improbis laboribus exercitijsve vitam consicientes, longiori somno indulgentes, *νότοιοι*, grauidæ, lactantes, abstemijs, *ἐπιπείσοις*, *ἡγεμονίαις*, *ὑπερβολοῖς* vntes cibis plenius cibentur: parcius litterati, otiosam calibemque vitam agentes, nimidò vigilantes, *ἀσπείσοις*, *εὐρύμοις*, *ὑπερβολοῖς* qui saginantur edulijs. Consuetudinis alterius naturæ vices gerentis, in diætâ legibus qui non meminert, nusquam sibi bene consultum intelligat: qui semel, bis, ter, quaterve cibari consueverunt, toties cibentur: illius vires qui non negauerit, sobrios, & temperatos voracibus gulæque deditis ieiunium facilius ferre nouerit. Animi pathemata, vt mores, corporis sequuntur temperamentum.



ST autem temperamentum in ciborum quantitate & qualitate definiendi potissimum obseruandum, vt cuius interuentu cætera agunt. Hoc in viuentibus duplex, naturale & præter naturam: illud sanioris, hoc morborum, quorum naturam atque tempora nosse hic plurimi referunt: morbis acutis sæuientibus, extremosque labores habentibus tenuissimo victu vtèris ab omni prorsus in ipsis morborum paroxysmis abstinere; nam cibum dare noxium est. Naturali temperamento qui calidi & humidi, copiosissimo alimento refici indigent: secundo loco calidi siccis: deinde calidi & in cæteris temperati: inde siccis: postmodum temperati in omnibus: paucò contra alimento opus habent humidi, & in cæteris temperati: pauciori, frigidi: his adhuc pauciori, frigidi, humidi: omnium paucissimo frigidi siccis. Habitus corporis temperamenti vt index temperamenti rationem sequetur; gracilis, carnosus, & duro plus alimenti detur quàm obeso, molli, plethorico: plus viris (vt rationem sexuum habeamus) quàm mulieribus exhibeatur.



TATES sua etiam habebunt in victus lege momenta, eaque (in quantum caloris per se solius diætæ modum indicantis, statum certò designant) maxima: quarum differentię pro varijs & insignibus natui caloris per totum vitæ statum contingentibus mutationibus, quaternario numero comprehenduntur. Quæque suum viuendi modum sortitur; adulescentia, calidissima humidissima, copiosissimum & frequentem; minorem iuuentus calida siccâ: hac adhuc minorem virilitas frigidior siccior: omnium paucissimum in vtraque etiam quantitate, (si decrepitam exceperis, quæ sæpius ac partitis vicibus refici indiget) exposcit frigidissima siccissima senectus.

*Ergo senes ieiunium facillimè ferunt.*

99



Propugnabat Lutetiæ IACOBVS IOVVIN Parisinus, Anno R. S. H. M. DC. XXIV.